



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Statv Religionis Christianae, Per Evropam, Asiam,  
Africanam, Et Orbem Nouum, Libri IV.**

**Le Mire, Aubert**

**Coloniae Agrippinae, 1619**

Cap. XXIV. De Religiosis in Gallia Ordinibus, itemque militaribus.

**urn:nbn:de:hbz:466:1-11108**

## CAPVT XXIV.

DE RELIGIOSIS IN  
*Gallia ordinibus, itemque mi-  
litaribus.*

**I**N orbe Christiano non est regnum, quod plura, eaque illustria suo ambitu contineat Archiccenobia, seu Ordinum ac Congregationum religiosarum capita: quæ Galli *Chefs d'ordres* nuncupant. Sunt in his Cluniacum, Grandis Mons, Cartusia Maior, Cistercium, Vallis Caulium, Præmonstratum, Ceruus Frigidus, Vallis Scholarium, & fons Ebraldi.

Cluniacensem ordinem ac monasterium, in diocesi Matisconensi, an. 910. fundavit B. Beruo Abbas, opibus Guilielmi Aquitanie Ducis.

Grandem Montem in diocesi Lemouicensi fundavit S. Stephanus, qui an. 1126. vivere desijt.

Cartusia Maior, in diocesi Gratianopolitana an. 1084. excitata est à S. Brunone Coloniensi.

Cistercium in diocesi Cabilonensi an. 1098. instituit S. Robertus Abbas Molifmensis: & ordinem mirificè propagavit S. Bernardus Abbas Clare Vallis.

*Anno*



*Anno milleno centeno bis quoque deno,  
Sub Patre Roberto cœpit Cistercius ordo.*

Præmonstratum in diœcesi Laudunensi  
condidit S. Norbertus ciuis & Canonicus  
Xantensis, quod est opidum Ducatus Cliuiæ  
& diœcesis Coloniensis.

*Anno milleno centeno bis quoque deno,  
Sub Patre Norberto fundatur candidus  
ordo.*

Monasterium Cerui frigidi, in diœcesi Mel-  
denfi, quod est caput ordinis S. Trinitatis de  
Redemptione captiuorum, an. 1136. excita-  
uit B. Ioannes Matha, Doctor Theologus  
Parisiensis, qui an. 1213. Romæ obiit, in mon-  
te Cœlio conditus.

*Milleno ducenteno quarto quoque dempto,  
In Ceruo Gelido Triadis fit primitus ordo.*

Inscriptio sepulcralis B. Ioannis Mathæ, que  
hodie que legitur Romæ, exordia ordinis  
refert ad an. 1136.

Vallis Scholarium, in Campania regni  
Galliæ prouincia, fundatorem agnoscit B.  
Guilielmum natione Anglum, qui Parisijs  
antea Scholaris fuerat. Ordinem an. 1218.  
sub regula S. Augustini confirmauit Hono-  
rius III. Papa.



Fons Ebraldi, in diœcesi Pictauiensi, sub regula S. Benedicti, fundatur à B. Roberto Blefelio Parisiensi, qui an. III7. viuere desijt: teste Baronio in Annalibus.

Ordo Hospitalariorum S. Antonij, fundatus est à Gastone viro nobili, eiusque filio Girondo, circa an. II21. apud Motam diœcesis Viennensis in Gallia opidum, quod hodie S. Antonij dicitur, à corpore S. Antonij eò allati ex vrbe Constantinopolitana per Iocelinum, castri Albenciani & Motæ dominum. Caput ordinis est Antoniana apud Motenses Abbatia, quam Bonifacius VIII. an. 1297. ex Prioratu ad dignitatem Abbatialem euexit, amotis monachis Benedictinis.

Ordo Charitatis nostræ Dominæ, circa an. 1300. in Gallia est inchoatus: cuius ordinis caput ibidem existit.

Congregatio Fulienfis, seu S. Bernardi de Pœnitentia, quæ est monachorum reformatorum ord. Cisterciensis, initium sumpsit in diœcesi Riuenfi, per Ioannem Barrerium, Abbatem Fuliensem, qui an. 1600. Romæ obiit.

S. Guilielmus Aquitaniæ Dux fundauit ordinem *Guilielmitarum*, sub regula S. Benedicti militantem, in Stabulo Rhodis: quod monasterium in diœcesi Grossetana, sub ditione Senensi situm in Italia, fuit olim ordinis



nis Guilielmitarum caput; hodie ab Eremitis Augustinianis possidetur.

Hactenus de monasticis in Gallia ordinibus. Ut de militaribus aliquid addam, florent hodie in Gallia ordines Equitum *S. Spiritus*, & *S. Michaelis*, quos inter longè eminentior, ab Henrico II. Rege institutus. Adfurgit item ordo Equitum *S. Mariae de Monte Carmelo* & *S. Lazari*, à Paulo V. Papa approbatus.

De his Ordinibus plura qui volet, Origines nostras Monasticas & Equestres consulat.

## CAPVT XXV.

COLLEGIA SOC. IESV  
in Gallia.

**S**I vsquam alibi, in Gallia præclaram certè operam præstat Societas Iesu, in seductis ad viam veritatis, gremiumque Ecclesiæ reducendis. Ipsi autem in Gallia sunt Prouinciæ quinque.

\*\* \*\*

E 4

PRO